

ոմն Յերժբո անուն զոր եկաւ, և Հրամանաւ Թագաւորին Հանին ի դաշտն. և առաջի չաւուշին գլխատեցին զնոսա. զոր չաւուշն տեսաւ աչօք իւրովք. և էին թուով իբրեւ 33, ի մի ժամ գլխատեցին զնոսա: Եւ 26 թօփք զոր բերեալ էին ի Պէնտէրէն, Հրամանաւ Թագաւորին դարձուցին չաւուշին, զոր առեալ տարաւ զնոսա:

1584. ԹՎ. ՌԼԳ. Թագաւորն Ստեփանոս Հրամայեց, զի Զպորովքին զՍամուէլն գլխատեցին. քանզի այս Զպորովքին մեծ իշխանին որդի էր, որ էր երկրորդ Թագաւորին, և վասն ապիրատ գործոյն իւրոյ զոր գործեալ էր, այսինքն զոմն մեծ իշխան սպանեալ էր, և այլ ընդդէմ Թագաւորին Հրամանացն Հակառակ կայր, և էր անհնազանդ ամենեցուն: Վասն այն պատճառի կալան զնա, և ըստ արժանեաց նորա սպանեցին՝ գլխատելով ի Քրաւքովն. և եղև Հիացումն մեծ. զի որչափ Թագաւորն առ իւր կոչէր պատգամաւ իւրով, ոչ ինչ համորէր և նախատէր զԹագաւորն. և յորժամ կամեցաւ Աստուած զչարիսն իւր հատուցանել նմա, յիմարեցոյց զնա. զոր և ոտիւքն տարաւ զգլուխն իւր առ ոտս Թագաւորին. և այսպէս չարն չարաւ կորեաւ:

1586. ԹՎ. ՌԼԵ. Կամենից քաղաքիս եպիսկոպոս վաղջանեցաւ Պօստոմ Մարձին Օբաթ-մօկսիւլքիյ. ութ ամ կալաւ զաթոռ եպիսկոպոսութեան, և փոխեցաւ առ Աստուած. բայց լաւ և բարի ոմն էր, հեղ և խաղաղարար և բարերար առ ազգս Հայոց. զոր Տէր Աստուած դասակից և պսակակից արասցէ ընդ ամենայն սուրբ հայրապետացն. ամէն: Եւ ի նոյն ամին վաղճանեցաւ Սրովինսքիյ մեծ ոմն իշխան. և ի սոցա երկոցունց թաղմանն՝ զմեզ զՀայքն մեծարանօք կոչեցին. զոր և զնացաք շուրջառով և խաչերով. բայց մեծ հակառակութիւն արարին ընդ մեզ տգէտ և ամբարտաւան ազգն Բուռզ. բայց ամօթալից դարձան իւրեանց սովորական տեղն, որպէս յերեկն և յեռանդ ունէին զկարգն և զսահմանքն:

1586. ԹՎ. ՌԼԵ. Տէր Գաւիթ կաթողիկոսն նստաւ. և զՏէր Գրիգոր վարդապետն՝ որ էր Անկուրիոյ քաղաքին աթոռակալ, այս Ֆռանգաց աշխարհս նուիրակ ուղարկեց, որ և եկաւ ի Կամենիցս, և նուիրկեցեց, և զժողովուրդն հաւանեցոյց քարոզիւ և աստուածային բանիւ. վասն որոյ մեծաւ պատուով ընդունեցին և մեծարեցին, և բազում սիրով զինքն ուղաւորեցին ի ճանապարհն իւր:

1586. ՌԼԵ. Ոմն մեծ իշխան որ էր Թագաւորին քանձլեր, այսինքն մահրտար (կնքապահ), և շինեաց իւր անուան վերայ քաղաք մի, և եղ զանուն քաղաքին Զամոյսց. քանզի և ինքն այս իշխան Զամոյսքիյ կոչէր. և անդ կոչեաց զՀայ ազգն, ով որ կամիցի երթալ և բնակել ի անդ. և էր հեռագոյն ի Լովէն իբրեւ 15 մղոնաւ. զոր և զնացին փոքր ի շատէ, նոքա որ էին եկք և օտարք Հայոց տանէն. և մեծ երախտիք արար նոցա, շնորհելով ամեւ